

## Mayat Amirun ditemukan terdampar

Asrol Awang  
am@hmetro.com.my



ANGGOTA bomba mengangkat mayat Amirun yang ditemukan lemas. FOTO Ihsan JBPM Kuantan: Remaja lelaki yang dihanyutkan arus deras ketika mandi di kawasan rekreasi Pasir Puteri, Sungai Lembing di sini, semalam ditemukan lemas, pada 6.20 petang hari ini.

Mayat Amirun Mohamad, 14, dari Taman Seri Perasing, Jabor, Terengganu, ditemui kira-kira 6.2 kilometer dari tempat kejadian.

Penolong Pengarah Operasi Jabatan Bomba dan Penyelamat Malaysia (JBPM) Pahang, Ismail Abdul Ghani, berkata, mangsa ditemui terdampar di beting pasir sungai oleh orang awam.

"Mayat mangsa kemudiannya diserahkan kepada pihak polis untuk tindakan lanjut dan operasi mencari dan menyelamatkan ditamatkan," katanya dalam kenyataan, hari ini.

Semalam, mangsa dikhuatiri lemas manakala tiga ahli keluarganya berjaya diselamatkan selepas mereka dihanyutkan arus ketika bermandi manda di kawasan rekreasi Pasir Puteri.

**Disiarkan pada: Mei 7, 2022 @ 9:28pm**